

1. **USTAVNI SUD BOSNE I HERCEGOVINE , Sarajevo** – ul. Reisa Dž. Čauševića br. 6/III, koga zastupa generalni sekretar Nataša Vuković (u daljem tekstu: **Naručilac**)
2. **DVG ALM Company d.o.o. Sarajevo**, ul. Nedima Filipovića bb, koga zastupa direktor Nihad Fetahović (u daljem tekstu: **Izvršilac**)
- ID broj: 4200554480008

U G O V O R

**za pružanje usluga servisiranja i održavanja liftovskog postrojenja u zgradi Predsjedništva BiH za potrebe
Ustavnog suda Bosne i Hercegovine**

I – PREDMET UGOVORA:

Član 1.

Predmet ugovora su poslovi na pružanju usluga servisiranja i održavanja liftovskog postrojenja u zgradi Predsjedništva BiH za potrebe Ustavnog suda Bosne i Hercegovine, a u svemu prema Ponudi br. 687/17 od 23.februara 2017. godine, koja je sastavni dio ovog Ugovora, a eventualne popravke i ugradnja rezervnih dijelova će se dodatno fakturisati.

II – OBAVEZE IZVOĐAČA:

Član 2.

Izvršilac je obavezan da za radove na redovnom održavanju i servisiranju lifta u zgradi Predsjedništva BiH za potrebe Ustavnog suda Bosne i Hercegovine izvrši slijedeće: probnu vožnju, kontrolu, čišćenje, podmazivanje liftovskog postrojenja ili pojedinih elemenata, podešavanje liftovskog postrojenja za kvalitetan i bezbjedan rad, nakon izvršenog servisiranja isto evidentira u knjigu održavanja lifta i vrši zamjenu potrošnog materijala po datoj Ponudi – opisu poslova.

U slučaju identifikacije kvara i utvrđenog rezervnog dijela koji treba zamijeniti, Izvršilac je dužan dostaviti cijenu rezervnog dijela (predračun) u roku od 12 sati od kada se utvrdi kvar, a najkasnije u toku idućeg radnog dana. **Naručilac** zadržava pravo provjere cijene rezervnog dijela na tržištu (putem ispitivanja tržišta, interneta, ...) i prigovora na istu. U slučaju da **Naručilac** sam nabavi rezervni dio, Izvršilac je dužan ugraditi ga u skladu sa uslovima navedenim u ponudi Izvršioca.

Izvršilac je obavezan da, po pozivu **Naručioca**, jednom u toku ugovornog perioda obavi godišnji tehnički pregled lifta, te izda upotrebnu dozvolu za korištenje istog, prema cijenama koje su sastavni dio Ponude iz člana 1. ovog ugovora.

III - OBAVEZE NARUČIOCA:

Član 3.

Naručilac je obavezan da Izvršiocu omogući neometan pristup svim dijelovima liftovskog postrojenja. Usluge mjesečnog servisiranja liftova Izvršilac će vršiti po nalogu ovlaštenih lica **Naručioca**.

IV – CIJENA:

Član 4.

Cijena redovnog servisiranja lifta iznosi **50, KM** bez uračunatog PDV-a, što ukupno iznosi **600,00 KM** bez uračunatog PDV-a za ugovorni period od godinu dana.

Član 5.

Cijena norma sata za popravak/1 iznosi **20,00 KM** bez uračunatog PDV-a.

Cijena redovnog godišnjeg tehničkog pregleda i izdavanja upotrebne dozvole iznosi **180,00 KM** bez PDV-a.

Cijena rezervnih dijelova prihvaćće se ukoliko je odobrena od strane Naručioca na osnovu dostavljenog predračuna.

V – PLAĆANJE:

Član 6.

Za sve izvršene usluge u okviru ovog ugovora Izvršilac će ispostavljati odgovarajući račun za svaki izvršeni posao, ili zbirni račun za više izvršenih poslova, a nakon što je ovjeren od strane ovlaštenih lica Naručioca da je usluga obavljena.

Član 7.

Naručilac je dužan da račun za izvršene poslove plati u roku od sedam dana od dana prijema, na račun Izvršioca – 1610000026550075 – RAIFFEISEN BANKA BiH.

Sve poreske obaveze moraju biti uključene i posebno iskazane u sklopu ispostavljenog računa.

Izvršilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

VI – GARANCIJA I REKLAMACIJA:

Član 8.

Izvršilac garantuje da će sve radove i usluge utvrđene ovim ugovorom obavljati stručno, savjesno i kvalitetno.

Izvršilac garantuje da je rok odziva na poziv najkasnije 2 sata od usmenog poziva Naručioca.

VII – OSTALE ODREDBE:

Član 9.

Ugovor se zaključuje na period od godinu dana od dana zaključenja ugovora, odnosno do okončanja nove procedure odabira najpovoljnijeg ponuđača u skladu sa Zakonom o javnim nabavkama Bosne i Hercegovine.

Ugovorne strane mogu raskinuti ugovor uz otkazni rok od 30 dana.

Član 10.

Za sve ostale slučajeve i eventualne situacije koje nisu regulisane ovim ugovorom, primjenjuju se odredbe Zakona o obligacionim odnosima u BiH.

Član 11.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 13.

Ovaj ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 2 (dva) primjerka.

ZA IZVRŠIOCA:
Direktor



Nihad Fetahović

Broj: 233/17
Datum, 02.03.2017

ZA NARUČIOCA:
Generalni sekretar Ustavnog suda BiH



Nataša Vuković

Broj: P3-305/17
Datum, 2.3.2017.